



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DEr Kirchenkalen=||der/

Canisius, Petrus

Dilingen, 1599

VD16 M 1284

22 b Herlindis vnd Relindis Junckrawen.

urn:nbn:de:hbz:466:1-41449

Martius

Item des heyligen Einsidels vnd Beichtigers
Amos in Egyptenland geboren / vnd von seinen Edlen
Eltern zum Ehestand gedrungen / vberredt aber das
Weib / die Jungfrawschafft zu halten / vnd lebte bey ih
wol achsehen jar / gienz darnach mit ihrem gütten willen
in die Wüste / war darinn 23. Jar ein Ensidel / hett
Anno Domini 320.
Vnder ihm zuregieren drey tausent Münch zu Thebaida.
Und nach vilen Wunderzaichen führ sein Seel herlich
gen Himmel / wie S. Antonius gesehen hat.

Item selige gedächtniß des Einsidels Brüder
Clausen von Vnderwalden im Schweizerland / der
mit bewilligung seiner Ehefrau / sein Haß vnd die
Welt verließ / ein gar eingezogens Gottseliges leben
Anno Domini führte / bey 20. jaren oñ Menschliche speiß vnd trank
1487. lebete / auch ein prophetischen Geist hett / vnd nach sei-
nem tod mit Wunderzaichen leuchtet. Ruhet zu Sachsen
in der Pfarrkirchen.

d xj. Calendas Aprilis.

Der XXII. Tag im Merzen.

N in der Stadt Bituriceis / inn Septimania / ist
heut der Tag der begräbniß des heyligen Bis-
choffs vnd Beichtigers Aphrodisij / wellicher
in Egypten geborn / vnd daselbst ein Oberster / alles
verließ / gen Antiochia zoge / vnd den Christlichen Tauff
empfinge / auch von Rom in Frankreich das Evan-
gelium zupredigen geschickt / vnd zu Biturica Bischoff
geordret ward / der mit seinem Predigamt vnd Wun-
derzaichen vil Volks zu Christo beköhrt / bis daß er inn
güttem alter verschide.

Item

Item in Africa der heyligen Marterer Saturnini/ Dieroni/ vnd anderer acht/ welche in der Wandalischen verfolgung mit ihrem vergosnen Blut Christo vnd dem Catholischen Glauben helle zeugnuß geben haben.

Item auch inn Africa des heyligen Saturi/ der seines Glaubens halben herrlich gestritten/ also daß er des Gottlosen verhaissen/schrecken vnd pein verachtete/ auch seines Weibs vnnnd aigner Kinder füsse Wort inn windtschlüge/ sich auch/ durch vilerley pein angreissen/ vnd probieren ließ/ bis daß er wie ein armer Bettler/ abgewisen/ vnd verlassen ist worden.

Item in der Statt Narbona inn Frankreich des heyligen Bischoffs Pauli/ von welchem hernach weiter am 12. Christmonats.

Item in dem Kloster Eike/ der heyligen Junck-
frauwen Herlindis vnnnd Relindis/ zweyer Schwestern/
gar geistlich vnnnd herlich in Wunderzaichen. Seind
auch am 6. Hornung gesetzt.

Item zu Trecas die begräbnuß des heyligen Bischoffs Cameliani.

Item der heyligen Witfrauwen Lee/ von welcher S. Hieronymus schreibt/ daß sie nach ihres Manns tod ein Layen Schwestier/ vnnnd darnach des Klosters überste/ vnd ein Mütter der Junckfrauwen ward.

Item der heyligen Witfrauwen Katharine/ S. Virgitte Tochter/ die Papst Urbanus der sechste der Heyligen zahl zugezölt hat.

Item zu Carthago/ des heyligen Erhdiacons vnnnd Marterers Octauiani/ mit vil tausendt Mann vnnnd Frauwen/ von welchem Gregorius Thuronensis schreibe.

K 111

Item

Martius

Item des heyligen Marterers Thome / Grafen
zu Lancastria.

Item zu Rom der heyligen Marterin Theodole.

e x. Calendas Aprilis.

Der XXIII. Tag im Merzen.

N Africa/ ist heut der Tag der heyligen Marterer Victoriani/ Frumentij/ vnd eines andern
Frumentij/ auch noch zweyer Brüder / welche in
der Wandalischen verfolgung/vnder dem Arianiischen
Anno Dñi König Hunericu / darumb / daß sie inn dem Catholi-
460. schen Glauben beständig bliben/ mit gewlichen peinen
gemartert seind worden / wie Victor Africanus be-
schreibt.

Item noch in Africa/ der heyligen Marterer Li-
berati/ auch seiner Ehefrauen vnd Söhnen / auch des
heyligen Abts Liberati/ Bonifacij des Diacons/Ser-
ui des Subdiacons/ vnd deren zweyen München Ro-
gati vnd Septimi/ welche alle in der gemeldten Wan-
dalischen verfolgung / für ihren Catholischen Glauben
bis zu dem bittern Tod gekempffet haben. Daher
gehören auch die heyligen Marterer Felix/Theodus/
Julianus/Paulus vnd Dionysius / welche alle in der
selbigen Wandalischen verfolgung Ritterlich gesrittien
vnd ihren Glauben mit eim gedulcigen tod vor G O T T
vnd der Welt dapffer bezeuget haben.

Anno Dñi Item zu Antiochia/ des heyligen Priesters Theo-
390. dou/ in erbarkeit der Sitten/weyßheit vnd wolredenheit
gar fürtrefflich.

Item in der Statt Cesarea/ des heyligen Juliani.

Item